



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za katastar, urbanizam i
imovinsko-pravne poslove

Broj: 06-31-358-79-17 /14.

Datum: 11.03.2015.godine

PREDMET: IZVJEŠTAJ O PROVEDENOJ JAVNOJ RASPRAVI

Općinsko vijeće Tešanj je na svojoj 24. sjednici održanoj dana 13.11.2014. godine donijelo Zaključak broj: 01-31-8-58-80/14 od 14.11.2014. godine o usvajanju nacрта Odluke o izmjeni i dopuni Odluke o utvrđivanju opisa granica naseljenih mjesta na području općine Tešanj, te isti uputilo na javnu raspravu u trajanju od 45 dana.

Organ je dao objavu u lokalnim medijima i na web stranici Općine i pozvao sve zainteresovane da dostave svoje prijedloge i primjedbe na Nacrte navedenih Odluka najkasnije do 26.12.2014. godine. Usmeni dio javne rasprave održao se u tri različita termina na različitim lokacijama (Tešanjka, Jelah i Tešanj) kako bi zainteresovani imali priliku da što bolje sagledaju predložena rješenja te da im ista budu što jasnije i preciznije obrazložena. Prva usmena rasprava održana je dana, 05.12.2014. godine (petak) u općinskom uredu u Tešanjci u terminu od 12:30 do 15:30 sati usmenom dijelu javne rasprave prisustvovala su 4 fizička lica. Druga usmena rasprava održana je dana, 09.12.2014.godine (utorak) u sali općinskog vijeća u Tešnju u terminu od 12:30 do 15:30 sati usmenom dijelu javne rasprave prisustvovala su 2 fizička lica. Treća usmena rasprava održana je dana, 10.12.2014.godine (srijeda) u sali općinskog ureda u Jelahu u terminu od 12,30 do 15,30 sati usmenom dijelu javne rasprave prisustvovalo je 1 fizičko lice.

Na javnoj raspravi održanoj u Tešanjci dana, 05.12.2014.g. pristupio Željko Jurišić koji je istakao da se ne slaže sa granicom između MZ Kraševo i MZ Tešanjka (u prilogu su dostavljena 63 potpisa mještana) da je podružnica Staro Kraševo podijeljena između MZ Kraševo i MZ Tešanjka koja bi trebala pripasti MZ Tešanjka, da bi svi trebali glasati u MZ Tešanjka, da MZ Kraševo i Staro Kraševo odvaja i potok, da su više vezani za Tešanjku.

Na javnoj raspravi održanoj u Tešnju, dana, 09.12.2014.g. Sinan Roša iz Dobropolja je predložio da se formira naselje Roše.

Grupa građana (11 građana) Mjesna zajednica Tešanj se obratila podneskom od dana, 10.12.2014. godine kojim se traži da se dio koji je ranje pripadao MZ Tešanj vrati istoj, a radi se o dijelu koji se proteže "uzvodno lijevom stranom potoka Smrdelj" do Veterinarske stanice (u donjem dijelu) pa sve do puta koji raskrsnicom od Muharema Elezovića vode prema Trzni-Dobropolju, koji sada pripada MZ Dobropolje-Mekiš, traži se pripajanje tog dijela MZ Tešanj (prema staroj karti naseljenih mjesta).

Na javnoj raspravi održanoj u Jelahu, dana 10.12.2014. godine prisustvovao je sekretar MZ Jelah . Tom prilikom Emir Kotorić (sekretar MZ Jelah) je istakao da je logično da se katastarske granice izjednače sa granicom naselja, te je predloženo da se naseljenim mjestima pored uobičajenog naziva doda i njihov tradicionalni naziv npr. Mračaj Potočari navodeći da je naziv Mračaj stariji i od samog naziva Jelah. Navedenoj primjedbi nije udovoljeno jer to što je traženo nije predmet Odluke (ne

mijenjaju se nazivi nego samo usklađuju obuhvat naseljenih mjesta i granica katastarskih općina). O istom se Mjesna zajednica Jelah obratila i pismenim podneskom, broj: 01-234/14 od 11.12.2014.g. i ponovila sve navode date kao i na javnoj raspravi.

Osim gore navedenih primjedbi koje su uložene na usmenom dijelu javne rasprave i dostavljene u pismenoj formi do 26.12.2014.g. Služba za katastar, urbanizam i imovinsko-pravne poslove općine Tešanj, je na usaglašavanju granica naseljenih mjesta i njihovom izjednačavanju sa granicama katastarskih općina na dijelu koji se odnosi na navedene mjesne zajednice održala više dodatnih sastanaka/rasprava u prostorijama ovog organa nakon 26.12.2014.g.

Dana, 26.12.2014.godine održani su sastanci sa predstavnicima Mjesnih zajednica Karadaglije i Jablanica na kojima je usaglašavano pomjeranje granica naseljenih mjesta i njihovo izjednačavanje sa granicama katastarskih općina na dijelu koji se odnosi na navedene mjesne zajednice.

Dana, 26.12.2014.godine održani su odvojeni sastanci sa predstavnicima Mjesnih zajednica Bobare i Kalošević zbog nemogućnosti usklađivanja termina kada su predstavnici MZ Bobare istakli da se u donjem dijelu u mjestu Šišinke na rijeci Usori ispravi granica između naseljenih mjesta Bobare i Kalošević, da ta korekcija bude prirodija da prati liniju razdvajanja od sjeverne strane, potokom pa do tromeđe između Bobara Kalošević i Mrkotića (za južni dio) na potezu Krakače, te da se slažu da se izmjena izvrši na potezu Šljivice.

Predstavnik MZ Kalošević je istakao da je saglasan da se izjednače granice naseljenih mjesta sa katastarskim granicama u dijelu Šljivice.

Naknadno je predstavnik MZ Kalošević dana, 08.01.2015.g. istakao da je upoznat sa postojećom granicom naseljenih mjesta Kalošević i Bobare i to u južnom dijelu na potezu Krakače-Šišinke, odnosno i sa ucrtanom katastarskom granicom, te prijedlogom izmjene granice na potezu Šišinke koji je dao predstavnik MZ Bobare istakao da se slaže sa postojećim granicama, a za ostale izmjene će zatražiti stav organa mjesne zajednice.

Dana, 27.01.2015.g. predstavnici MZ Tešanj su u vezi zahtjeva grupa građana za izmještanje postojeće granice naseljenih mjesta Tešanj i Dobropolje koji se pruža ulicom Senada Hodžića na jugoistok na liniju potoka Smrdelj istakli su da je zaprimljen zahtjev grupe građana za ucjevljenje potoka Smrdelja, te je Savjet MZ donio zaključak 22.01.2015.g. da se deklarativno podrži zahtjev građana.

U pogledu neslaganje granice naseljenog mjesta Tešanj i Dobropolje i katastarskih opštine Tešanj II i Mekiš, neslaganje granice naseljenih mjesta i katastarskih opština u reonu Sejmen polje, te neslaganje granice naseljenog mjesta Raduša i Tešanj u reonu Ošljaci, gdje se ne podudara granica K.O. Tešanj I i K.O. Raduša istaknuto je da se slažu da postojeća granica naseljenih mjesta ostane kao i do sada, dok će se o ostalim pitanjima očitovati organi MZ.

Naknadno je MZ Tešanj 09.02.2015.g. dostavila podnesak, broj: 1-28-/02/15 od 09.02.2015.g. u kojem je u pogledu usaglašavanja granica naseljenih mjesta i katastarskih općina istaknuto da se Savjet MZ Tešanj jednoglasno očitovao da granice MZ Tešanj prema susjednim zajednicama treba da ostanu u postojećim okvirima, odnosno da se ne treba mijenjati ranije definisane granice naseljenim mjesta.

Na sastanku sa predstavnicima MZ Kraševo dana, 29.01.2015.g. isti su istakli da postoji zahtjev za izmjenu granice naseljenog mjesta i katastarske granice na potezu Drum, tj. naseljenih mjesta Lepenica i Kraševo i MZ Lepenica i MZ Tešanjka, kao i o inicijativi grupe građana Staro Kraševo da se izvrši razgraničenje naseljenih mjesta Kraševo i Tešanjka istaknuto je da će tražiti stav mještana naseljenih mjesta, odnosno stav organa mjesne zajednice.

Predstavnici MZ Tešanjka su na sastanku 30.01.2015.g. nakon što su upoznati sa granicom naseljenih mjesta Kraševo i Lepenica, te K.O. Kraševo i K.O. Lepenica u dijelu uz "Drum", istakli da se slažu da granica ostane kako je utvrđena, odnosno da ostanu postojeće granice, a u pogledu pripajanja "Starog Kraševa" naseljenom mjestu Tešanjka, predstavnici MZ su istakli da će stav naknadno dostaviti.

Dana, 06.02.2015.g. predstavnicima MZ Jelah i Jevadžije dato je pojašnjenje u pogledu neslaganja granice naseljenog mjesta Cerovac (MZ Jelah) i naseljenog mjesta Vukovo (MZ Vukovo) u rejonu "Pundače" kod potoka Radušica kada su predstavnici MZ Jelah istakli da će dostaviti stav Savjeta MZ. O navedenom je, naknadno, dana, 17.02.2015.g. MZ Jelah dostavila podnesak broj: 034/15 od 17.02.2015.g. u kojem je dostavljen njihov stav, Zaključak koji je jednoglasno usvojen na Savjetu, da ne mogu prihvatiti bilo kakvu ispravku jer bi došlo do fizičkog razdvajanja područja MZ Jelah, odnosno naseljenog mjesta Cerovac te bi bio razdvojen od sadašnje teritorije MZ Jelah.

Na sastanku koji je održan dana, 16.02.2015.g. predstavnici MZ Novo Selo i MZ Medakovo su upoznati sa neslaganjem granice naseljenih mjesta Novo Selo i Medakovo u rejonu Brdo i granice katastarskih općina u rejonu Rukavac. Na istom su predstavnici MZ Novo Selo i MZ Medakovo istakli da se slažu da se granica naseljenih mjesta usaglasi sa katastarskom granicom K.O. Novo Selo i K.O. Medakovo, a da se u rejonu Rukvac zadrži granica naseljenih mjesta a izmjeni katastarska granica te da se put prema Medakovu (kod Doma) pripoji katastarskoj opštini Medakovo.

Mjesna zajednica Kalošević je dostavila svoj konačan stav podneskom broj: 02-23-15-02/15 od 23.02.2015.g. u vezi usaglašavanja granice naseljenih mjesta Kalošević i Bobare, u kojem je jednoglasno odlučeno da se granice naseljenih mjesta ne mijenjaju ni u jednom dijelu teritorije između ove dvije MZ.

Na sastanku održanom dana, 24.02.2015.g. predstavnik MZ Orašje Planje je upoznat sa neslaganjem granice naseljenih mjesta i to na potezu "Ravan", odnosno, neslaganje sa katastarskom granicom u obuhvatu parcele br. 420, u naravi greblje o čemu je predstavnik MZ Orašje Planje izjavio da se ne slažu sa pomjeranjem granice naseljenog mjesta na katastarsku granicu jer su sa predstavnicima Dž. Planja već dogovorili da se postojeća granica naseljenog mjesta pomjeri južnije odnosno putem označenim kao k.č.broj: 1422 i dalje putem na istok označen kao k.č.broj: 1420 obuhvatajući zadnju parcelu označenu kao k.č.broj 426 kao i sve parcele do parcele označene kao k.č.broj 421(greblje). Takođe je predložio da se granica na putu označenom kao k.č.broj: 1422 pomjeri na desnu stranu, gledajući prema sjeveru, tako da cjelokupan put ostane u MZ Orašje Planje.

Nakon razmatranja datih izjava predstavnika mjesnih zajednica i dostavljenih konačnih stavova mjesnih zajednica nije došlo do bilo kakvih promjena granica naseljenih mjesta i granica katastarskih opština.

POMOĆNIK OPĆINSKOG NAČELNIKA:

NADIR Medarić, dipl. ing. geodezije